



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 29. Fausti Socini Lælii Nepotis Historia.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

collegisse videtur; quinimo cum sacrae Inquisitionis Ministri illum comprehendere moliebantur, inde ad Helvetios confugiens Tiguri substitit, ubi etiam Anno Servatoris nostri millesimo quingentesimo sexagesimo secundo die decima sexta Martii nonnisi triginta septem circiter annos natus infelicem animam evomuit. Talis erat Patruus celebris Fausti Socini, cujus historiam mox subjiciemus. Ceterum Lælius pro tuendis suis erroribus plura conscripsit opuscula, quorum indicem Sandius in sua Antitrinitariorum Bibliotheca refert.

Sæcul. XVI.
A.C 1566.

§. XXIX.

Fausti Socini Lælii Nepotis Historia.

Faustus Anno millesimo quingentesimo trigesimo nono die quinta Decembris natus Patrem habuit Alexandrum Socinum Lælii fratrem, Matrem autem Agnetem Petrucciam, cujus parentes erant Burgesius Petruccius, & Victoria Piccolominæa, quocirca Faustus omnibus illis sanguine junctus erat, qui in sua patria tam nobilitatis gloria, quam dignitatum eminentia ceteris illustriores celebrabantur: porro ipsemet quantumvis ingenii, ac memoriæ præstantia clarus esset, haud magnum tamen in humanioribus, &

*Sadd l.c.
Hernebeck
summa
controvers.
de Socianismo.*

D 4

libe-

Sæcul. XVI
A.C. 1566.

liberalibus scientiis profectum fecerat, quinimo postquam de Lælii Patruï sui fato nuntium acceperat, ejusque literas ad suos consanguineos missas perlegerat, neglectis omnibus aliis disciplinis unice Religionis rebus operam suam sacrare decrevit, licet tum nonnisi decimum tertium ætatis suæ annum ageret: confecto autem vigesimo anno in Theologiæ studio tantum se profecisse arbitratur, ut jam Anno reparatæ salutis millesimo quingentesimo quinquagesimo octavo Religionis arbitrum agere, novaque fidei Systemata procudere præsumeret, suoque Zelo a recta ratione tantopere alieno incitatus eo temeritatis deveniret, ut coram parentibus, ac amicis suis dogmata falsa spargere haud contentus esset, sed etiam in publicis conventibus, ad quos ob nobilitatis, atque ingenii prærogativam liber ei accessus patebat, perniciosas doctrinas disseminare non erubesceret, quapropter re ad sacræ Inquisitionis tribunal delata juxta hujus Curiæ leges in eum, totamque illius familiam de hæresi valde suspectam inquiritur, eorumque nonnulli capiuntur, alii vero, qua data erat occasio, aufugiunt, quos inter erat etiam Faustus, qui viginti tres circiter annos natus, in Franciam venit, anno autem Domini

mini millesimo quingentesimo sexagesimo secundo Lugdunum delatus a Rez-
 zovio comperit, quod Lælius ejus Pa-
 truus Tiguri mortuus illum omnium bo-
 norum suorum hæredem scripserit. Hoc
 nuntio summum dolorem concepit; ejus
 enim Patruus Nepotem suum tenero
 complectebatur affectu, nec minus ipse
 Nepos vicissim Patruum suum maxime
 diligebat, hocque iter unice aggredie-
 batur, ut ejus Magisterio uti, ejusque
 doctrinis proficere posset.

Sæcul. XVI.
 A.C. 1566.

Ferunt nonnulli, quod inter ambos
 tam frequens fuerit literarum commer-
 cium, ut Patruus se teneri amoris de-
 bito ad hoc obstringi crederet, quate-
 nus omnes errores, quibus ipse scate-
 bat, sigillatim ad Nepotem suum per-
 scriberet, modo tamen nonnihil obscuro,
 non quidem ex eo, ac si Nepotis fideli-
 tatem sibi suspectam haberet, sed id fa-
 ciebat, ut nepotis sui intellectum, nec-
 non ambigua extricandi, ac dubia de-
 super efformandi aviditatem magis, ma-
 gisque acueret: cum autem Faustus
 Socinus propinatum hoc venenum li-
 beraliter hauriret, plene Lælii expe-
 ctationi satisfecit, unde hic sæpius ad
 amicos suos dicere solitus erat, quod
 maximæ spei Nepotem haberet, hicque
 aliquando Vir ævi sui celeberrimus e-
 vaderet: porro dum Faustus Patruum sui

D 5 obitum

Sæcul XVI.
A. C. 1566.

obitum perceperat, tanto animi mœrore sese abripi haud patiebatur, ut non Tigurum proficisci pararet, non modo totam hæreditatis massam, sed præcipue ejus scripta sibi vendicaturus, quo thesauro sat infausto locupletatus in Italiam reversus est, ubi ob nominis sui famam, generis prærogativam, & ingenii sui eminentiam eidem brevi ad Francisci Medicæi, qui Cosmæ magni Florentiæ Ducis filius erat, aulam aditus patebat, atque huic Principi percarus ab eodem officia suæ nobilitati, ingenique dotibus congrua obtinuit, unde aulæ satis voluptuosæ illecebris inescatus Patru sui scripta evolvere, ac de Religionis rebus agere parum sollicitus erat; quippe amatorix levitates, Aulæ delitiæ, ambitio, Amicorum confortia, fortunam augendi studia, Principis præsentia, eique complacendi desideria ipsius animum penitus sibi vendicabant: tandem vero in hoc vitæ genere transactis duodecim annis rursus perverfas suas doctrinas spargendi, nomenque suum inter suæ factionis homines celebre reddendi cupiditate incitabatur: quapropter suum desiderium expleturus Florentiæ aulam non sine mœrore Principis, qui eum plurimi habebat, reliquit, atque ultroneo sese exilio multans Regna plura pervagatus est:
 cum

cum autem post crebras ejusmodi cursi-
tationes Basileam in Helvetia nonnisi
Anno Christi millesimo quingentesimo
septuagesimo quarto pervenerit, hinc
ab eodem anno hujus Viri historiam
prosequamur.

Sæcul. XVI.
A.C. 1566.

§. XXX.

*Epocha opinionum Antitrinitariis
familiarium.*

Juxta Lælii, & Fausti Socini principia
Schomanus Arianismum tradere cæ-
perat, affirmabat enim, quod Dei Fi-
lius nec secunda in Trinitate Persona,
nec cum Patre idem in essentia esset:
quinimo nequidem contentus, ut Pa-
trem æternum Filio majorem constitue-
ret, atque istius consubstantialitatem,
æternitatem, & personalitatem reali-
ter a Patris personalitate distinctam ne-
garet, insuper audacter assererat, quod
Christus Dominus non sit Deus, sed
homo sicut ceteri, re ipsa a Virgine ex
operatione, & virtute Spiritus sancti
natus. Hanc impietatem præ ceteris
primus in Polonia propugnabat quidam
nomine Lucsternbergus, cujus systema
plures, cum illud penitus inspicere ge-
stirent, adoptabant, ac inde Socinia-
nismo initium dabant, quamvis autem
Pinczovienses haud amplius comitiis,
ut ibidem disputarent, interessent, ni-
hilo-